

म्हारां हंस नजर नहीं आया

हंसा नजर नहीं आया प्रेम गुरु,
अंत नजर नहीं आया,
चौंच पांख बिन काया गुरु जी,
म्हारां हंस नजर नहीं आया,

बिना दीप एक देवळ देखियाँ ने,
देव नजर नहीं आया,
उन देवळ म्हारां सतगुरु बैठा,
वही वेद गुण गाया,
गुरुजी म्हारा हंस नजर नहीं आया....

बिना पाळ एक सरवर भरीया ने,
नीर नजर नहीं आया,
उण तीर म्हारां सतगुरु बैठा,
वही बैठकर न्हाया,
गुरुजी म्हारा हंस नजर नहीं आया...

म्हारां गुरु सा पाँचौ चेला,
पच्चीस जोगनी लाया,
मृत्यु लोक में भयो अचंभो,
बेटी बाप ने जाया,
गुरुजी म्हारा हंस नजर नहीं आया
चौंच पांख बिन काया गुरु जी,
म्हारां हंस नजर नहीं आया...

बिना पाँव एक हस्ती देखिया ने,
सूँड़ नजर नहीं आया,
मच्छंदर जपी गौरख बोले,
आगम देख चलाया गुरुजी,
चौंच पांख बिन काया गुरु जी,
म्हारां हंस नजर नहीं आया....

<https://bhajanganga.com/bhajan/lyrics/id/20644/title/mahara-hans-najar-nhi-aaya>

अपने Android मोबाइल पर [BhajanGanga](#) App डाउनलोड करें और भजनों का आनंद ले |